



Zimbabwe Vulnerability Assessment Committee (ZimVAC)




**Ugwadlana Ngokutholakeleyo
Kuchwayisiso Ngempilo Yabantu
Bemaphandleni Ngomnyaka ka2021**

Sitshisekela iZimbabwe Edla Kuhle njalo Elokudla Okwaneleyo

Ikomiye Zimbabwe Echwayisisa Ngokuba Sengozini (ZimVAC) yomnyaka ka2021 yenza uChwayisiso Ngempilo Yabantu Bemaphandleni (RLA) ngenyanga kaNkwenkwezi ilenjongo yokwazisa ngempilakahle yabantu eziqintini ezingamatshumi ayisithupha (60) ezehlukeneyo elizweni. UHulumende uyabongwa ngokufaka imithetho elengqubekelaphambili lokupha indawo enhle yokusebenzela eletha intuthuko empilweni zabantu bemaphandleni.

a) *Ukuthembeka kwezempilekahle*




Ingxene ye yenani eyisilinganiso sokungamatshumi ayisikhombisa lambili ekhulwini (72%) ye zimuli ibike ukuthi iyawethemba amajekiseni kaHulumende aweCOVID-19. Lokhu kunikeza uHulumende lenhlanganiso asebenzelana lazo amathuba okuthi aqhubekele phambili ngohlelo lokuhlabu abantu kuze kufike kunani elikhangelelwego lokuvikeleka.


- b) **Ukufinyelela Amanzi Ahlanzekileyo:** UHulumende utshayelwa ihlombe ngokutholisa amanzi ahlanzekileyo emaphandleni kunani elingaba yisilinganiso sokungamatshumi ayisikhombisa lesitshiyagalombili ekhulwini (78%) emulini ezikhona eZimbabwe.
- c) **Ukufinyelela Amanzi Eneleyo Ahlanzekileyo:** Ukufinyelela amanzi ahlanzekileyo kuludaba lwamalungelo abantu njalo uHulumende weZimbabwe uyaluhlonipha. Kubikwa ukuthi imuli ezingaba yisilinganiso sokungamatshumi ayisitshiyagalombili lanhlanu ekhulwini (85%) eZimbabwe zilamanzi aneleyo, okupheka, okunatha, okuhlanzeka kanye leminye imisebenzi ekhaya.

d) Ukufinyelela Izambuzi Ezingcono: Ingxenye yemizi engaba eyisilinganiso sokungamatshumi ayisithupha lanhlanu ekhulwini (65%) ilazo izambuzi ezingcono. Isabelo seMashonaland Central (12%) lesabelo seManicaland (10%) yizo ezilenani eliphezulu lemizi esebenzisa izambuzi ezingaphucukanga.

e) Ukuvikeleka Kukazulu: Izigaba zonke elizweni zathola usizo. Kubikwa uHulumende nguye owanikeza usizo kakhulu encediswa ngezinye inhlanganiso asebenzelana lazo.



f) Ukufinyelela Impahla Zokulima



Imithetho yelizwe ikhuthaza imuli ezinengi ukuthi ziphatheke kwezokulima. Umumbu yiwo olinywa kakhulu elizweni, ulinywa zimuli eziyisilinganiso samatshumi ayisitshiyagalombili lane ekhulwini (84%).

g) Inzuzo (Mabasa 2021): UHulumende utshayelwa ihlombe ngokudala umumo omuhle kwezomnotho, osokudale ukwanda kwenzuzo ezimulini. Inzuzo yezimuli ngenyanga ngenyanga yakhwela isuka emalini engange US\$33 ngomnyaka ka2020 isiya kuUS\$75 ngomnyaka ka2021. Ezabelweni zonke, inzuzo ezimulini ikhuphue isuka kusilingaiso esiphakathi kweUS\$27 leUS\$45 isiya kusilinganiso esiphakathi kweUS\$63 leUS\$102.

h) Isilinganiso Semali Esetshenziswa Ukuthenga Ukudla: UHulumende utshayelwa ihlombe kwezomnotho ngokwehlisa isilinganiso sendleko yemali abantu abayisebenzisa ukuthenga ukudla okwenza ukuthi abantu basebenzise imali yabo ukwenza ezinye izinto. Isilinganiso senani lemali esetshenziswa ukuthenga ukudla sehlile sisuka kusilinganiso samatshumi ayisithupha lanhlanu ekhulwini (65%) sisiya kwesamatshumi amahlanu lanhlanu ekhulwini (55%). Lokhu kutsho ukuthi izimuli sezilemali ezingayisebenzisa ukwenza ezinye izinto ezingayisiko ukuthenga ukudla nxa kuqathaniswa lomnyaka ka2020.

i) Indlela Okusetshenziswa Ngayo Imali (inyanga eziyisithupha): Kube lokukhuphuka ekusebenziseni imali kwezemfundo lezokulima. Ezemfundo yizo eziphezulu zikuUS\$40.44 kuthi ezokulima zibe kuUS\$36.96. Ukwanda kwemali esetshenziswa kwezokwakha kutshengisa indlela enhle yempilo yabantu bemaphandleni eqhubeka ngayo.

j) Isilinganiso Sokuswela Ukudla Ezimulini: Inengi lezimuli ezingaba yisilinganiso samatshumi ayisitshiyagalombili lasitshiyagalolunye ekhulwini (89%) zibike ukuthi kazizange ziswele ukudla kunsuku ezingamatshumi amathathu (30) ezidlulileyo kungakenziwa loluchwayisiso.

k) Ukuthuthukiswa Kokutholakala Kokudla

	Isivuno Sezilimo Ezingamabele (kg)	
	2019/20	2020/21
Isabelo		
Manicaland	212.4	337.5
Mash Central	301.9	718.9
Mash East	284.5	485.2
Mash West	319.4	888.2
Mat North	144.9	562.8
Mat South	85.7	360.5
Midlands	213.9	584.3
Masvingo	165.4	401.7
Izwe Ionke	219.7	543.8

Kuzozonke izimuli kutholakale ukuthi inani lesivuno lengenzeleleke ngokuphindiweyo kusuka ku220kg kusiya ku544kg.

- l) Ukuba Ngcono Kokutholakala Kokudla-** Inengi lezimuli zathola amabele ezigodini zazo. Ukudla lokhu okufana lamabele, umumbu, inyawuthi lophoko bekutholakala kwezinye imuli. Lokhu yisitshengiselo sokuthi ukudla sokukhona emkambo.
- m) Ukuthola Ukudla Ngcono:** Kube lokwehla kwenani lezimuli ebezisebunzimeni bokuswela ukudla ezikudingayo lisuka kusilinganiso samatshumi amabili lanhlanu ekhulwini (25%) kusiya kutshumi lanhlanu ekhulwini (15%).
- n) Ukungeneli Kokudla (ngesikhathi indlala ibhahile)-** kube lokwehla kokuswelakala kokudla ngenani elingaba yisilinganiso samatshumi amahlanu ekhulwini (50%) kusuka kwesamatshumi amahlanu lesikhombisa ekhulwini (57%) kusiya kwesamatshumi amabili lesikhombisa ekhulwini (27%). Izimuli zemaphandleni zibe ngabantu abayi 2,942,897 bona bedinga 262,856 MT zamabele (umumbu) Eziphalenzi Zokudla Zelizwe (National Strategic Grain Reserves).

UHulumende ukhuthazwa ukuba aqhubeke ngamanyathelo lamaqhinga aqondane lezigaba ezilandelayo:

- a) Ezemfundo:** Isilinganiso esingamatshumi amabilli lantathu ekhulwini (23%) sabantwana okumele ukuthi ngabe bayafunda kabafundi, inengi lalababantwana abayisilinganiso setshumi lasitshiyalolunye ekhulwini (19%) lenziwa yikuzithwala kumbe ukwendiswa.
- b) Ukusebenzisa Iganga Njengezambuzi:** Kusasele labantu abangaphezu kwesilinganiso esingamatshumi amahlanu ekhulwini (50%) abasebenzisa iganga njengezambuzi esabelweni seMatabeleland North.
- c) Ukufinyelelw Kwemali Ebolekiswayo:** Bekuphansi kakhulu ngoba kulesilinganiso sokune ekhulwini (4%) sezimuli ezathola imali yokwebolekiswa.
- d) Ukulima Ngokuthelezela:** Isilinganiso esingamatshumi amabili lesikhombisa ekhulwini (27%) sabantu abaphila emaphandleni yiso esafinyelela indlela zokulima ngokuthelezela. Inengi lamasimu alinywa ngokuthelezela kawasetshenziswa njalo adinga ukulungiswa.
- e) Ukuba Lezifuyo:** Izimulini ezinengi zilenkomo lembuzi ezilutshwana kakhulu.
- f) Intengo Yenkomo:** Intengo yenkomo ibiphansi kwezinye iziqinti (USD138).
- g) Ukugcinwa Kwesivuno:** Inani elingaba yisilinganiso samatshumi ayisithupha lantathu ekhulwini (63%) lathi ligcina umumbu walo ezindlini nje.
- h) Imfundiso Ngokudla Kuhle:** Inani eliyisilinganiso samatshumi amathathu lesitshiyalolunye ekhulwini (39%) kuphela yilo elithi lathola imfundiso ngokudla kuhle kunyanga ezilitshumi lambili ezedluleyo.
- i) Indlela Okudliwa Ngayo:** Inani eliyisilinganiso samatshumi amahlanu lesikhombisa ekhulwini (57%) yilo elalisidla ukudla okufaneleyo.
- j) Izimo Ezethusayo Leziyingozi:** Ukutota, ubudli, ukusweleka kwezulu, imikhuhlane lokufa kwezifuyo ngezinye izimo ezethusayo ezibikiwego.
- k) Imithelela yeCOVID-19:** Kubikwa izimuli ezinengi zilahlekelwe yindlela ezithola ngayo imali yokuziphilisa kanye lemisebenzi ngenxa yokuqhamuka komkuhhlane.

Ukuze kutholakale indlela engcono yokwenqabela ubunzima abantu ababhkane labo, kuyakhuthazwa uHulumende lenhlanganiso asebenzelana lazo kwezentuthuko aqinisekise ukuthi izakhamizi ezigabenzi zibambe iqhaza ekusunguleni lasekuqhubeni inhlelo zentuthuko ukuze zihlonysiswe njalo zenelise ukukhokhela inhoso ngempilo zazo.

Inhlelo Zokuguqula Impilo Emaphandleni:

- Ukulima izilimo ezitshiyeneyo
- Ukuthola usizo lolwazi lwezokulima kubalimisi (Agriculture Training and Extension services)
- Ukusebenzisa indlela zokulima eziphucukileyo
- Ukuba lendlela ezechlukeneyo eziletha imali ebantwini- ukulima izilimo eziletha imali lezidala amathuba emisebenzi
- Ukuvikela uzulu

Imithetho Lamaqhinga Okuguqula Impilo Emaphandleni

- Iqhinga Lokuqala Lokuthuthukisa Isizwe (National Development Strategy 1)
- Umthetho Wokudluliselwa Kwamandla Ombuso Ezabelweni (Devolution and Decentralised Policy)
- Imithetho ephathelane Lezokulima
- Imithetho Lamaqhinga aweFNS
- Imithetho Yokuthuthukiswa Kwezakhiwo
- Imithetho Yokuvikela Uzulu
- Imithetho ephathelane Lempilo Lempilakahle

AbeFNC batholakala eSIRDC: ku1574 Alpes Road, Hatcliffe, Harare

Tel: +263-242-862586 / +263-242-862025. Website: www.fnc.org.zw. Email: info@fnc.org.zw.

Twitter: @FNCZimbabwe. Instagram: fnc_zim. Facebook: @FNCZimbabwe



World Health Organization



Spotlight Initiative
To eliminate violence
against women and girls